

Iluarsiissut

Matumani saqqummiussissut 17. Oktober 2018-imeersoq taarserneqarpoq

(Oqaaseqatigiit immikkoortoq 3-mi ilai peerneqarput allanngortinneqarlutillu)

Nuna tamakkerlugu Pinaveersaartitsinermut Siunnersuisoqatigiinnik pilersitsinissaq pillugu kingusinnerpaamik UPA2019-mi siunnersuummik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Siunnersuisoqatigiit Naalakkersuisunut, Inatsisartunut taamatullu kommuninut siunnersuisartuussapput atulissallutillu najukkani pinaveersaartitsinermut ataatsimiititaliaq, Imigassaq aamma Ikiaroorntartoq pillugit Siunnersuisoqatigit kiisalu immaqqa Peqqinnissaqarfinni pinaveersaartitsisutut siunnersortitut atorfillit taarserlugit.

(Inatsisartunut ilaasortaq Tillie Martinussen, Suleqatigiissitsisut)

Akissuteqaat

Peqqissutsimut, Isumaginninnermut Inatsisinillu Atuutsitsinermut Naalakkersuisoq

Siullermeerneqarnera

Inatsisartunut ilaasortaq Tillie Martinussen, Suleqatigiissitsisut, aalajangiiffigisassatut siunnersuuteqartoq pillugu Naalakkersuisut qutsavigaat. Pitsaaliuinnermut tunngatillugu nutaamik isumaliutersortoqartariaqarnera isumaqataaffigaarput. Taamatuttaaq pitsaaliuiniarluni suliniuteqarnermut tunngatillugu nutaamik isumaliutersortoqarnera ilanngullugu oqaatigerusupparput.

Pitsaaliuineq siunissaq ungasinnerusoq eqqarsaatigalugu sunniuteqassappat aalaakkaatitsineq sulinermilu matussuserneqartut amerlasuujunissaat pisariaqarput. Taamaallaat pingaarnersiunikkut kiisalu susassaqarfimmi sipaarniannnginnikkut pitsaaliuiniarluni suliniuteqarnerit assigiissarneqarsinnaapput pitsaasuutinneqarlutillu.

Pitsaaliuinnermik sullissineq inunntut ataasiakkaanut aamma inuiaqatigiinnut tamanut tunngassaaq. Innuttaasut inuunermi atugarinnerulernissaannut, peqqissutsimik pingaartitsinissaannut inuunermillu nuannersuutitsinissaannut inuiaqatigiit sinaakkusiisussaapput.

Pitsaaliuineq siunissaq ungasinnerusoq eqqarsaatigalugu suliniarneruvoq. Angusat ullormiit ullormut takuneqarsinnaanngillat. Suliniutit pisariaqartumik sunniuteqassappata isumagineqartariaqarlutillu pingaartinneqartariaqarput. Assersuutigalugu Islandimiut meeqqat inuusuttullu akornanni aanngajaarniutinik atuneqappartinniarlugu ataatsimut iliuuseqarnikkut ukiut 20-t sinnerlugit ingerlassimavaat.

Inuuneritta II-mi 2017-imi piffissap qiteqqunnerani naliliinermi inerniliunneqarpoq pitsaaliuineq peqqinnerulersitsiniarnerlu kommunini naammaginangitsumik pigiliunneqarsimasoq. Pitsaaliuineramik siunnersortit amerlanertigut ilaqutariit illuanni inissinneqartarput suliassanillu nukinginnartunik isumaginnittuusarlutik, suliassallu taakkua pilersarput pitsaaliuiniarnerup assigiinngitsunik pingaartinneqarneratakingunerisaanik. Inooriaaseq pissutigalugu nappaateqarnerup kingunipilui annertuut sutigut tamatigut inuiaqatigiinnut sunniuteqartartut kipitinneqarniassammata inuiaqatigiinnik peqqinnerulersitsiniarneq aqqissuussaasariaqarlunilu siunissaq ungasinnerusoq eqqarsaatigalugu ingerlanneqartariaqarpoq. Inuiaqatigiit peqqissusaannik misissuinerami ajoraluartumik aamma ersersinneqarpoq isumakkut peqqissuserput ajortumik sunnerneqarsimasoq. Atornerluinerup kingunerisaanik peqqissutsimut ajoqutaasumik ileqqoqarneq tarnikkut qajannartunngornermik, tatitussutsip apparneranik, imminut toqunnissamik eqqarsaateqalerneramik kiisalu uummatip taqarsuatigut nappaateqalerneramik sukkulernermillu kinguneqartarpoq.

Ukiuni 25-ni kingullerni innuttaasut peqqissusaannik misissuinermit ersersinneqarpoq pitsaaliuinerami suliniutigut pitsaanerusinginnaasut. Pisariaqarpoq ataavartumik ukkassisoqartariaqarneranik kiisalu susassaqrarfiit akimorlugit suliassaq kivinneqartariaqarlunilu suliassamik isumaginninnissamat naleqquttunik piginnaanillit sulinermikku kivitissariaqartut.

Pitsaaliuinerami suliaqartunut maanna imigassaq ikiaroornartullu pillugit Siunnersuisooqatigiit, Pinaveersaartitsinerami Qitiusumik Ataatsimiititaliaq, Pinerlunnginnissamat Siunnersuisooqatigiit il.il. ataatsimoortumik allattoqarfimmik pilersitsinissamat eqqarsaatersuuteqartoqareerpoq. Taamatut ataatsimoortumik allattoqarneratigut pitsaaliuinerami suliniutit pitsaanerusinginnaasut ataqatigiissaarisooqarnissaanut qulakkeerinnissaaq.

2017-mi inatsisinik atuutsitsinermit suliassaqrarfimmi periusissatut suliniutissanullu pilersaarummi immikkoortoq 63-mi ima allaqqasoqarpoq:

”pitsaaliuineramik suliaqarnerup aqqissuussaanaera ataatsimut isigalugu paasinarsisinneqartariaqartoq, aammalu suliaqarneq pitsaanerusinginnaasut torrallataanerusinginmillu aqqissuunneqarsinnaanersoq immikkut misissorneqartariaqaraluartoq. Ullumikkut siunnersuisooqatigiit, aalajangiisartut ataatsimiititaliaq, tamarmik immikkut periaaseqarlutik pitsaaliuineramik suliaqartut, assigiinngitsut arlaqarput. Pitsaaliuisartut taakkua iluaqutaasumik pitsaaliuinermit immikkoortortami ataatsimoortinneqarsinnaanersut, misissorneqartariaqarpoq

Aappaattut Naalakkersuisut isumaqarput, pitsaaliuinermit, suliassaqrarfimmi akimorlugit suleqatigiinneq ulluinnarni qanoq ingerlasarnerusoq, misissorneqarnissaa naleqqutissasoq. Tamanna tunngavigalugu politii, pinerluuteqarsimasunik isumaginnittoqarfiup, peqqinnissaqarfiup, isumaginnittoqarfiup il.il. akornanni pitsaaliuilluni, suliassaqrarfimmi akimorlugit suleqatigiinneq qanoq iliorluni nukittorsarneqarsinnaanersoq, qulaajaanermi inassuteqaateqarfigineqartariaqarpoq.”

Nutaamik isummersortariaqarnermut tunngatillugu Tillie Martinussen isumaqatigaara, kisianni aaqqissuussineq sorleq pitsaanerpaanersoq aalajangiutinnginnerani pisariaqarpoq pitsaaliuinermi suliat aaqqissoqqinnginnerani inatsisinut sorlernut siunniuteqassanersoq qulaajarneqartariaqarpoq.

Naalackersuisut tamanna tunngavigalugu siunnersuut itigartitsissutigineqarnissaanut innersuussipput.